

者不巧者辯之賢者不賢者任之夫養木者必將伐之待士者必將死之網之以冠冕釣之以爵祿若馬駕車輅貴不我得乘食糟糠肥不我有是以大人道不虛貴得不虛守貧有所倚退有所恃退者非樂寒賤而甘委棄

躑躅

躑躅之酒烏喙之脯良浪若蕩之膏治葛之乳初噉之若芥再噉之若黍復噉之若丸又噉之若脯小人由是知彊弩可以漸引巨鼎可以漸舉水火可以漸習虎兕可以漸侶逆者我所化辱者我所與不應者我所命不臣者我所取所以信柔馬不可馭漸賊不可禦得之以為萬化之母

止闕

止人之闕者使其闕抑人之忿者使其忿善救闕者預其闕善解忿者濟其忿是故心不可伏而伏之愈亂民不可理而理之愈怒水易動而自清民易變而自平其道也在不逐萬物之情

象符

術有降萬物之蘊毒者則交臂鈞指象之為符是故若天矯之勢者鱗之符若飛騰之勢者羽之符若偃蹇之勢者毛之符若拳踞之勢者介之符所以知拱折者人之符夫拱手者人必拱之折腰者人必折之禮之本也而疏之為萬象別之為萬態教之蹈舞非蹈舞也使之禱祝非禱祝也我既寡實彼亦多虛而責人之無情固無情也而罪禮之無驗固無驗也

善惡

為惡者畏人識必有識者為善者欲人知必有不識者是故人不識者謂之太惡人不知者謂之至善好行惠者恩不廣務奇特者功不大善博奕者智不遠文綺麗者名不久是也君子惟道是貴惟德是守所以能萬世不朽

化書卷之四

化書卷之五

食化

七奪

一日不食則憊二日不食則病三日不食則死民事之急無甚於食而王者奪其一鄉士奪其一吏兵奪其一戰伐奪其一工藝奪其一商賈奪其一道釋之放奪其一檢亦奪其一儉亦奪其一所以蠶告終而縗葛苧之衣稼云畢而飯橡櫟之實王者之刑理不平斯不平之甚也大人之道救不義斯不義之甚也而行切切之仁感感之禮其何以謝之哉

巫像

為巫者鬼必附之設像者神必主之蓋樂所饗也戎羯之禮事母而不事父禽獸之情隨母而不隨父九人之痛呼母而不呼父蓋乳哺之教也虎狼不過於嗜肉蛟龍不過於嗜血而人無所不嗜所以不足則闕不與則叛鼓天下之怨激烈士之忿食之道非細也

養馬

養馬者主而牧之者親養子者母而乳之者

親君臣非所比而比之者祿也子母非所愛而愛之者哺也駕馬本無知嬰兒本無稅而知由此始機由此起所以有愛惡所以有彼此所以稔鬪爭而善效說

絲綸

冠二

二七

王取其絲吏取其綸王取其綸吏取其絳取之不已至于欺罔欺罔不已至于鞭撻鞭撻不已至于盜竊盜竊不已至于殺害殺害不已至于刑僇欺罔非民愛而哀歛者教之殺害非民顧而鞭撻者訓之且夫火將逼而投于水知必不免且貴其緩虎將噬而投于谷知必不可或觀其生以斯為類悲哉

奢僭

夫君子不肯告人以飢耻之甚也又不肯於人以飽愧之甚也既起人之耻愧必激人之怨怒食之害也如是而金蓮玉筍食之飾也鼓鐘曼石食之遊也張組設繡食之感也窮禽竭獸食之暴也滋味厚薄食之念也貴賤精麤食之爭也怒之愈不止求之愈不已貧食愈不足富食愈不美所以奢僭由茲而起

戰伐由茲而始能均其食者天下可以治

燔骨

燔骨者燔骨燔骨古不以為痛飲醉者噉腸嘔胃不以為苦饒者由忘於痛苦飢寒者必輕于性命痛苦可忘無所不欺性命可

冠二

二六

輕無所不為是以王者以我怨求人之慈以我飢求人之飢我怨民必怨我怨民必怨能知其道者天下胡為乎叛

食迷



民有嗜食而飽死者有禁食而餓死者有感食而義死者有辱食而憤死者有爭食而鬪死者人或笑之殊不知官所以務祿祿所以務食賈所以務財財所以務食而官以矯傲說謊而律死者賈以波濤江海而溺死者而不知所務之端不知得死之由而遷怨於輩流歸咎于江海食之迷也

戰欲

食之欲也思鹽梅之狀則輒有所吐而不能禁見盤饌之盛則若有所吞而不能遏飢思啖牛渴思飲海故怒之於人也如賊人之於

怒也如戰當戰之際錦繡珠玉不足為富冠冕旌旗不足為貴金石絲竹不聞其音宮室臺榭不見其麗况民腹常餓民情常迫而論以仁義其可信乎講以刑故其可畏乎

膠竿

執膠竿捕黃雀黃雀從而噪之捧盤珍享鳥鳥鳥從而告之是知至暴者無所不異至食者無所不同故純像可以友而群虎兕可以狎而馴四夷可以率而賓異族猶若此况後人之人

庚辛



庚氏穴池構竹為俾楹登之者其聲策策馬辛氏穴池構木為俾楹登之者其聲堂堂馬二氏俱牧魚於池中每凭楹投餌魚必踴躍而出他日但聞策策堂堂之聲不投餌亦踴躍而出則是庚氏之魚可名策策辛氏之魚可名堂堂食之化也

與亡

瘡者人之痛火者人之急而民二謂之瘡比人謂之火蓋情有所切也夫鮑魚與足垢

無異鯁鱗與足垢無殊而人常食之飽猶若是飢則可知苟其飢也無所不食苟其迫也無所不為斯所以為與亡之機

雀鼠

人之所以惡雀鼠者謂其有竊竊之行鼠雀

所以疑人者謂其懷盜賊之心夫上以食而辱下下以食而欺上上不得不惡下下不得不疑上各有所切也夫刺其肌咬其肉不得不扼其喉奪其哺一不得不怒民之膏也由刺其肌民之蝨也由奪其哺嗚呼惜哉

無為

牛可使之駕馬可使之負犬可使之守廬可使之擊蓋食之所感也獼猴可使之舞鸚鵡可使之語鴟鵂可使之此鬪螻蟻可使之合戰蓋食有所教也魚可使之吞鈞虎可使之入陷鴈可使之觸網敵國可使之自接蓋食有所利也天地可使之交泰神明可使之掖衛高尚可使之屈折夷狄可使之委服蓋食有所奉也故自天子至於庶人暨乎萬族皆可以會而通之我服布素則民自暖我食葵

養則民自飽善用其道者可以有無為之化

王者

穢食者母分乳者子全生者子觸網者母母不知子之所累子不知母之所苦王者衣纓之費盤饋之直歲不過乎百萬而封人之土地與人之富貴百萬之百萬如師王之肌如飲王之血樂在于下怨在于上利歸于衆咎歸于王夫不自貴天下安敢貴不自富天下安敢富

鴟鵂

有智者憫鴟鵂為之擊腐鼠嗟螻蟻之駕斃蟲謂其為蟲不若為人殊不知當歎歲則爭臭德之屍值嚴圍則食父子之肉斯豺狼之所不忍為而人為之則其為人不如為蟲是知君無食必不仁臣無食必不義士無食必不禮民無食必不智萬類無食必不信是以食為五常之本五常為食之末苟王者能均其水讓其食則黔黎相悅仁之至也父子相愛義之至也飢飽相讓禮之至也進退相得智之至也許諾相從信之至也教之善也在於

食教之不善也在於食其物甚卑其用甚尊其名尤細其化尤大是謂無價之貨

化書卷之五